

V g
7000

QK. 217

Ein Neues Vo=
gelgesang

Vg
7000

Von dem jetzigen Zustand
im Lande Saxon/ vnd Meyf
sen / Nach seligem absterben des Durch
leüchtigsten/ vnnnd Hochgebornen Für
sten vnnnd Herren/ H. Christiani
Herzogen in Saxon/ vnd
Churfürsten/ 2c.



Getruckt zu Kleinem
francfreych.

1592.



Einzelne
Bücher

Einzelne
Bücher
aus dem
Nachlass
des
Herrn
Dr. phil.
H. G.
v. ...



Einzelne
Bücher

Handwritten text on the adjacent page, including the letters 'W' and 'L'.



I
E Insmahl thet ich spacieren/
In einem grünen wald/
Da hört ich jubilieren/
Viel vöglein jung vnd alt/
Sie schrien alle schre/
Vnd sungen manigfalt/
Dem lieben Gott zu ehren/
Ihr viel auch zu beehren/
Daß es ihm land erschallt.

2

Vnder andern hört ich allein
Ein Christlich vögelein/
Das schrie mit ganzem schall/
Lobet Gott den Herren sein/
Vnd locket zu sich ohne scherzen/
Zuo tage vnd auch zuo nacht/
Viel fromme vnd treuwe herzen/
Die iekund leyden schmerken/
Vnd werden alle verjagt.

Christia-
nus
Churs
fürst zu
Sachs-
sen.

3

Dazuo kam auch gefloghen/
Aus einem grünen wald/

A ij

Fürst
Christia
zuo An-
halt.

Ein ander Christlich vogell/
Welcher zuo gleych Anhalt/
Mit singen vnd mit schreyen/
Daz sich zuo dieser zeyt
Ihr gar viel theten freuwen/
Auch mancher mußte schewen/
Igt yekund in dem streyt.

4

Landt-
graft
Wilhel-
mus zu
Hessen.

Wie diese zwey nur sungen/
Thut sich auch zuo der handt/
Ein grosser vogel schwingen/
Aus einem frömbden land/
Krafft seiner lieben treuwe/
Heißt er sie singen all/
Den lieben Gott mit freuden/
Loben auff grüner heiden/
Darzuo auch Berg vnd Thal.

5

Casimi-
rus
Pfaltz-
graaff
bey
Kein.

Ein Falck thut sich erheben/
Aus Gottes macht vnd krafft/
Will sich Kein auch begeben/
Ihn diese brüderschafft/
Darinn sie all beschliessen/

Wi

Wie mann Gott dienen möchte/
Des Teuffels wag zurissen/
Vnd also ihz gewissen
Erhielten Kein vnd schlecht.

6

Wie sie nur all zugleyche/
Erheben ihre stimm/
So felle im ganken reynche
Das werdeste vögelein/
Welchs ohne aller schercken/
Zu lob dem lieben Gott/
Mit rechtem Keinem hercken/
Darzu mit grossen schmercken/
Sich hat geschrien zuo todt.

Churz
fürst zu
Sach-
sen.

7

Nun mercket wie es gehet/
Den vöglen all zumal/
Desz weyblin so noch stehet/
Will sie bestrenten all/
Thut auch bald nach dem leben/
Das edel vögelein werd/
Berwerffen vnd hingeben/
Vnd all die nach ihm streben/
W

Churfür
stliche
Sect, siz
sche vers
lassene
Witib.

Ehe es kompt in die erde.

8

S. Crell
gewese-
ner Cäz-
ler yetz
auffem
König-
stein.

Sein aller liebsten vogele/
Setzt auff ein Grossen stein/
Damit er ihn nicht möge/
Zu lob dem Herren sein/
Vermöge seins gewissens/
Die wahrheit sagen dar/
Desz er sich steth beflissen/
Auch darumb leyden muß/
Die that muß bleiben klar.

9

S. Pie-
rius.

S. Gun-
derman

Der Bierholdt der da siset/
Auff einem weissen berg/
Der leidet yezund verstricket/
Vmb seiner güten werck/
Desz gleychen seinem gesellen/
Gundt man auch lengernicht/
Zuo seyn an seiner stelle/
Zuo sagen von der hellen/
Von Gottes straf vnd gricht.

10

Auch ander die noch leben/

Soll

Soll man auß freyen m̄hut/
Dem Teuffel nur ergeben/
Vnd ih̄mmer würgen todt/
Damit nicht ohne geschrey
Das ich es sagen mag/
Die rechte reine lehr/
Durch sie zehandlen wer/
Vnd durch sie komm an thag.

Licens
ciat Sal
muth.

11

Dem Teuffel wolt man wehren/
Sein reyck nicht leyden mehr/
Vnd dienen Gott dem Herren/
Da sieng sich Ach vnd Wehe.
O wie schrien sie mit schmerzen/
Vnd batten mit gedult/
Das man doch nicht mit schmerzen/
Den Teuffel auß ih̄ren h̄rzen/
So klüggleich reyssen wolt.

Ubiquis
sten.

12

Wie sollchs alle sachen/
Die freien wende hält/
Die nur vor 14. tagen/
Gewilliget all diß fals/

Vnders
schreibe
ne Pfafs
fen.

A iij

oll

Vnd auch mit iherer ehre/
Beteuret biß ihns grab/
Daß es nicht dienstlich were/
Auch wider Gotts befelhe/
Man solts nur helffen ab.

13

Die vñ
gekehr-
ten Pfaf-
fen.

Deß haben sie iher gewissen/
Ihren guten nammen vnd ehre/
In vierzehen tagen vergessen/
Daß keiner weiß nicht mehr/
Thun alle gottlose pfaffen/
Wieder ihren End vnd pflichte.
Deß Teuffels wergt anschaffen/
Den Herren lügen straffen/
Wie andere Bösewicht.

14

Die ye-
zige
Pfaffen

Dann wer es recht gewesen/
Warumb hat man fharen lhan/
Sol auch also vergessen/
Handlen ein ehrlich Man.
Vnd nur vmb zeitliche ehre/
Vmb einen vollen kropff/
Wie der Gottes wort vnd lehre/

Mit

Mit seuffzen vnd mit schwehren/
Verlougnen wie ein tropff.

15

Solchs alles haben erhaben/
Ein nest voll Rucker frey/
Dazu vil böser Raaben/
Die füren ein solchs geschrey/
Dwahrheit wöllens nicht hören/
Als kām sie auß der hell/
Verführung thünd sie ehren/
Die vnwahrheit her lehren/
An Christi ort vnd stell.

Luthers
ner.

16

Ach Gott ihr losen fincken/
Wie krenckt ihr manches herck/
Wie greüwlich thut ihr stincken/
Vor mist vnd auch fur schwerck/
Vnd wolt herund regieren/
Im himmel vnseren Gott/
Sein Christliche Kirchen verführen/
Die falsche lehr formieren/
Wie wirt euch straaffen Gott.

Die fals
schen Lu
theras
ner.

A v

17

Die ge-
meine
Land-
schafft
zu Tor-
gau.

Gedenckts doch nur gar eben/
Wie ihrs thut greyffen an/
Der allgemeine Pöffel/
Der auch nicht lesen kan/
Der sol bekund vor allen/
Die Gott verordnet hat/
Sein vrtheil geben vnd stellen
Zuo solchen schweren fellen/
Die er gar nicht versteht.

18

Der
Chur-
fürst zu
Sach-
sen.

Nun hab ich nicht vermeinet/
Das dieses vögelein/
Von seinen besten freunden/
Solt ganz verlassen seyn/
Welches ohn allen schmerzen/
Mit freudigem müth vnd sin/
Sein leib/leben vnd herzen/
Mit vnuerholenen scherzen/
Gott vor sich hett geben hin.

19

Sein treuw hat es beweisset/
Wie es yetz sterben solt/

Mit

Mit freuden es verlassen/
Alle schätz in dieser wält/
Das einige ihn nur betrübet/
Welchs ihm her gibt den lohn/
Vnd allen die es liebet/
Mit dem sich täglich webet/
In Gottes wort gar schon.

Vidua
Electo-
ris.

20

Nun Gott dir syes geklaget/
Du wirsts vrtheilen alls/
Sye keiner nicht verzaget/
Sonder bitt Gott des fahls/
Das ers zum besten wende/
Vns seinen Geist verleych/
Das wir bharren ans ende/
Herr Christ dein gnad vns sende/
Gemehret werd dein reich.

21

Gib das werden erhalten/
Die jungen in dem nest/
Das sie wie vor der alte/
Die wahrheit bschirmen vest/
Auch nicht werden vergiffet/
Auch nicht werden vergiffet/

Junge
Herren
vō Sach-
sen.

Von keiner flädermauß/
Die alles vnglück stiftet/
Die jungen gern hinrichtet/
Ehe sie sind geflogen auß.

22

Nun solt ihr doch nit zweyfflen
Die jungen vögelein/
So iekund seer still schweigen
Vnd nicht mer singen fein
Ob gleich h in ist genomen
Ihr stum ein kleine zeit
Wan sy fedren bekommen
Mit grossen heyl der frommen
Werdens erschallen went.

23

Ihrs Vatters Ehre retten
Anhangen Christi heer
Hierzwischen Gott anbetten
Das er den allen wheer
Die rechte Eherer hassen
Vnd handeln vngereympt.
Fromme leüth auch thun traken
Halten nun keine maassen

Zwischen

Zwischen freunden vnd feynds

24

Ich bitt Gott für den hüter/
Der jungen vögelein/
Das er ihm in sein gmüte
Gebe ein solchen sinn/
Nicht gleych so züerdarnen
Verfolgen Gottes wort/
Sonder habe verlangen/
Der wahrheit anzehangen/
Vnd selig werde dort.

Admini
strator.

AMEN.

Handwritten text at the top of the page, likely a title or header, appearing as a faint, mirrored bleed-through from the reverse side.

A small, faint handwritten mark or symbol, possibly a decorative initial or a specific character, located below the top line of text.

Main body of handwritten text in the upper half of the page, consisting of several lines of bleed-through script that is difficult to decipher.

Faint handwritten text on the left margin, possibly a marginal note or a reference mark.

A small, faint handwritten mark or symbol located in the lower middle section of the page.




1/9. 1000 DA

1/1

ULB Halle
004 830 008

3





OK. 217
21



Ein Neues Vo-
gelgesang

Von dem jetzigen Zustand
im Lande Saren/ vnd Hess-
sen / Nach seligem absterben des Durch-
leuchtigsten/ vnnnd Hochgebornen Für-
sten vnnnd Herren/ H. Christiani
Herzogen in Saren/ vnd
Churfürsten/ 2c.



Getruckt zu Kleinem
francfreych.

1592.

